

**Unga siunnersuut: Sulisoqarnermut akitsuut pillugu Inatsisartut inatsisaata
allanngortinnejnarnera pillugu Inatsisartut inatsisaat nr. xx af xx. xxx 2020-meersoq.**

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq
Inatsisartunut ilaasortaq Múte B. Egede, Inuit Ataqatigiit, siulittaasup tullia
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Malene V. Rasmussen, Demokraatit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Jens Napaattooq, Partii Naleraq
Inatsisartunut ilaasortaq Aleqa Hammond, Nunatta Qitornai

UKA 2020-imi ulloq 7. oktober siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Siunnersuut una naartunermi, erninermi meeravissiartaarnermilu sulinngiffeqartarneq ullormusiaqartarnerlu pillugit Inatsisartut inatsisissaattut siunnersummut peqatigitillugu saqqumiunneqartumut atatillugu isigineqassaaq (UKA 2020/183). Namminersorlutik suliffeqarfutilinnut atatillugu erninermi aningaasaateqarfik naligiissaarinermut aningaasaateqarfiusaaq assigiimmik pisussaaffeqarfiulluni erninermut atatillugu sulinngiffeqarnermi akissarsianut aningaasartuutit namminersorlutik sulisitsisut tamarmiusut akornanni naligiinnerusumik agguataarneqarnissaannik qulakkeerinnittoq. Namminersorlutik sulisitsisut erninermut atatillugu il.il. sulinngiffeqartut akissarsiaannut aningaasartuuteqartut aningaasartuutimik taakku ilaat erninermi aningaasaateqarfimmit utertissinnaassavaat.

Sulisoqarnermut akitsuut pillugu Inatsisartut inatsisaata allanngortinnejnqarnissaanik siunnersuut una namminersorlutik suliffeqarfutilinnut atatillugu erninermi aningaasaateqarfifup aningaasalorsorneqarnissaanut qulakkeerinnejnqataassaaq. Namminersorlutik suliffeqarfutilinnut atatillugu erninermi aningaasaateqarfimmut aningaasartuutit matussuserneqarnissaannut akissarsiat katinnerannit akitsuuteqartitsilernissaq siunnersuutigineqarpoq. Kommunit aamma Namminersorlutik Oqartussat akitsuummik akiliisussaatitaanermi ilaatinneqanngillat. Taamaalilluni allat

sulisoqarnermut akitsuummik akiliisussaatitaasut tamarmik erninermi aningaasaateqarfimmumt akitsuummik akiliisalissapput. Akitsuummi tunngavagineqassaaq aningaasarsiat katinneqarnerisa amerlassusiat § 2, imm. 2-4-mi aalajangersarneqartoq malillugu.

Sulisoqarnermut akitsuut pillugu Inatsisartut inatsisaanni § 2, imm. 4-mi aalajangerneqarpoq, soraarnerussutisiaqalernissamut aaqqissuussinernut ilanngaatiginninnissamut pisinnaatitaaffiusunut aalajangersimasunut akiliutinit sulisoqarnermut akitsuummik akiliisoqartassanngitsoq. Taamatut ilaatsinsinnginnissaq, aamma soraarnerussutisiaqalernissaq siunertalarugu akiliutinut atuutsilerlugu, annertusitinneqassasoq siunnersuutigineqarpoq. Taamaaliornermi soraarnerussutisiaqarnissaq siunertalarugu ileqqaarnernut akiliutit,

Siunnersuutip Inatsisartunit siullermeerneqarnera

Oqaatigineqareersutut siunnersuut una naartunermermi, erninermi meeravissiartaarnermilu sulinngiffeqartarneq pillugu Inatsisartut inatsisissaattut siunnersuummut, suliffeqarnermi nammingersortunut erninermut atatillugu sulinngiffeqarnermut aningaasaateqarfimmik pilersitsinisamik ilaatigut pingaarnertut siunertaqartumik aammalu siunnersuummut matumunnga peqatigitillugu saqqummiunneqartumut, ataqtigiissillugu isigineqassaaq. Immikkoortoq taanna siullermeerrinnerup aappassaaneerinninnissallu akornanni Ilaqutarinnermut Peqqissutismullu Ataatsimiititaliamit suliarineqartussanngorlugu innersuunneqarpoq, taamaattumillu Aningaasaqarnermut Akileraartarnermullu Ataatsimiititaliap immikkoortumik matuminnga suliarinninneranut ilanngunneqassanani.

Immikkoortoq matumani pineqartoq partiinit tamanit inersuarmi taperserneqarpoq aammalu Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarluni.

Tusarniaanermut akissutit

Tusarniaaffigineqartut siunnersuummut oqaaseqaataat tiguneqartut Naalakkersuisunit issuaavigneqarlutillu taakkununnga oqaaseqaatit allanneqarput. Naalakkersuisut oqaaseqaataat ataatsimiititaliamit tusaatissatut tiguneqarput ataatsimiititaliarlu taakkununnga allanik oqaaseqaatissaqanngilaq.

Ataatsimiititaliap siunnersuummik suliarinninnera

Siunnersuutip siunertaa imarisalaal Inatsisartunit tapersersorneqartut ataatsimiititaliamit oqaatigineqassaaq. Tamatuma peqatigisaanik ataatsimiititaliamit oqaatigineqassaaq siunnersuummut matumunnga nangaassuteqanngitsumik tapersersuineq ersersinneqarmat aammalu siullermeerrinnermi oqaaseqaatigineqartut immikkoortoq UKA 2020/183-imut, matumunnga ataqtigiissillugu oqluuserineqartumut, pingaarnertut tunngammata. Siunnersuutip aappassaaneerneqarnissaanut Ilaqutariinnermut Peqqissutismullu Ataatsimiititaliap isumaliutissiissutaa ataatsimiititaliamit innersuussutigineqassaaq. Ilaqutariinnermut Peqqissutismullu Ataatsimiititaliap isumaliutissiissummini isiginninnera naliliineralu Aningaasaqarnermut Akileraartarnermullu Ataatsimiititaliamit isumaqatigineqarput. Tamatumani assersuutigalugu pineqarpoq

naatsorsuinermi tunngavigineqartumut uppermarsaatissanik pissarsisinnaannginnermi ajornartorsiummut aaqqiissutissanik pisariaqartitsineq. Ilaqtariit savaatikkormiut kiisalu ilaqtariit aalisartukkut piniartukkullu ataatsimiitaliamit assersuutitut taaneqarput.

Pisortanut aningaasaqarnikkut allaffissornikkullu kingunerisassat.

Tamatuma saniatigut missingersorneqarpoq Namminersorlutik Oqartussat aamma komuniterninermi aningaasaateqarfimmut ukiumut 21,8 mio. koruunit missaannik akiliisassasut.

Naatsorsuutigineqarpoq Akileraartarnermut Aqutsisoqarfiup IT atorlugu periaasiinik allanganngortitsineq 1.000.000 koruunit sinnernagit ataasiartumik aningasartuuteqarnermik kinguneqassasoq. Kingusinnerusukkut IT atorlugu periaatsip allanganngortinneqarneranut aningaa-sartuut Akileraartarnermut Aqutsisoqarfiup nammineq killissaasa iluanni akilerneqassapput. Taamaattumik siunnersuut Akileraartarnermut Aqutsisoqarfimmut annikitsuinnarmik allaffisornikkut sunniuteqassangatinneqarpoq.

Inuussutissarsiutinik ingerlataqartunut aningaasaqarnikkut allaffissornikkullu kingunerisassat:

Erninermi aningaasaateqarfimmik pilersitsinermi inuussutissarsiortut aningaasarsiat aningaa-sartaasa 2 promilliata missaanik, 19 mio. koruunit missaannik annertussuseqartunik, sulisitsisunit akilummik akiliinissamik pisussaaffilerneqassasut naatsorsuutigineqarpoq.

Sulisitsisup erninermi aningaasaateqarfimmut tapeeqataassutinik akiliuteqartarnissaanut atatillugu allaffissornikkut kinguneqassanngilaq, tamanna sulisoqarnermut akitsuut pillugu Inatsisartut inatsisaat malillugu maanna akileeqqusisarnerit assigalugit pisassammat.


Ataatsimiitaliap inassuteqaatai

Siunnersuut akuerineqassasoq ataatsimiitaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Múte Bourup Egede
siulittaasup tullia



Hermann Berthelsen
siulittaasoq




Karl-Kristian Kruse



Malene V. Rasmussen



Peter Olsen



Jens Napaattoq



Aleqa Hammond